

La doturia Margarete Mahlknecht é demez por ferias dai 12 ai 30 de jügn y vëgn sostituida dal dotur Eduard Agreiter 0474 523 315 o 333 13 80 852.

PLOANIES DA SAN MARTIN Y LUNGIARÜ

N bel dilan ti vá a düc chi che á daidé pro ala festa dla Confermaziun cun le vësko Ivo Muser, dal ingres ala zelebrazion te dlijia, y da mia pert ince ales cõghes. Al á orü ester n gröm de mans che á daidé pro, mo ara é jüda dër bun. Bel dilan! Ai Confermá ti aodunse che ai fejes bun inant!

Le Ploan

La Uniun dles Patrones dl comun da San Martin inviëia düc al peregrinaje en dedolönesc, ai 06 de jügn cun siur Iaco Willeit al Santuar Dreibrunden a Trafoi y a Prad a vjité la ciasa dl parch nazional Aquaprad. Se prenoté pro Lucia 338 99 18 326 o Loise 0474 590 026.

SAN MARTIN

En vëndres, ai 9 de jügn, dales 8.00 periunse dër bel ères, ëi, jogn y jones da gní a daidé lavé y romené sò n pü' plü avisa nosta dlijia. Plü ch' i sun y plü atira ch' i arun rové. N gran dilan ti dijunse a dõtes chës ères che vëgn vigni trëi edemes a romené sò la dlijia.

Le KVV da San Martin inviëia al peregrinaje a Thuins dlungia Sterzing tla dlijia de San Iaco en lönesc ai 12 de jügn. Le bus pëia ia da San Martin dales 8.00. La marëna cialfunse a Ridnaun tl hotel Sonklarhof. Le iade y marëna costa 40 € (35 € por i scric ite). Al nes accompagnëia le ploan siur Iaco Ploner. Prenotesse pro Hilda Sottara 0474 523 133 o 338 92 31 013 cina en jöbia, ai 8 de jügn.

LUNGIARÜ

Düc chi y dõtes chëres che sciafia n pü' é der bel peria/ades en jöbia, ai 8 de jügn, da gní a daidé lavé la dlijia.

L'ann 1867 é gnü consacré la dlijia nöia da Lungiarü. Le Consëi de Cöra da Lungiarü oress bele sëgn ves recordé la festa di 150 agn de nosta dlijia ch' i tignun en la Festa Dles Antlés, ai 18 de jügn. Por fá la festa plü sintida gnarál bele le mercuri, ai 14 de jügn, tigní n referat sura la storia dla dlijia y dla cöra y la sabeda, ai 17 de jügn, n bel concert cun i Cors de dlijia da Lungiarü y da San Martin, cun la Musiga da San Martin y cun l'orghe. Ala proscima plata dla cöra gnarál injunté le program plü avisa. I se confortun a chësc gran y bel avenimënt y sperun te na gran partezipaziun!

La Scora de Musiga inviëia düc dër bel al concert de concluiun en dedemesaledema, ai 7 de jügn, dales 18.00 a Badia tla "Ciasa J. B. Runcher".

En jöbia ai 15 de jügn 2017 s'incunta indô le grup de tēmp lēde Atmosfera por ères y ëi atocá da problems psychics. En chësc iade modelunse cun arjila adöm cun Irina Tavella y Barbara Rungger. I s'incuntun dales 15.30 tla sēnta dl Raiun Sozial Val Badia a Picolin. Informaziuns plü monüdes pro Sabine Rainer 0474 524 519. Düc é invia y bëgnnüs.

La Consulta Provinziala por la Jonëza Ladina organisëia cun le Sorvisc ai Jogn Val Badia na sēra d'informaziun sura le fabriché, en vëndres, ai 9 de jügn, dales 20.00 tl Zēnter dla Jonëza y dla Cultura SaJ.un a La Ila. Al baiará le vizediretur dl'Agenzia Ciasa Clima, Ulrich Klammsteiner, sura les normes nöies dla ciasa clima A, en forza dal 2017 incá. Le comerczialist Fortunato Verginer baiará di finanziaimēnc y dles alisiraziuns fiscales. Dedô podará düc fá domandes.

La Uniun dl Sport da San Martin inviëia dõtes les uniuns dl comun ala 3^a ediziun dl tornê dl palé en domēnia, ai 11 de jügn, tl ciamp dal sport Pradel. Iscriziun al tornê cina en dedolönesc, 6 de jügn, pro: uniun.sport.sanmartin@gmail.com o 348 91 34 168.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

04.06.17 – 11.06.17 nr. 28

termo da publiché: jöbia 20.00
radio: 90,40 / 93,70

PASCA DE MA - A

Vangele: Jan 20,19-23

La sēra dl pröm dé dl'edema,
canche i discepui â, dala tēma dan dai iüdes, sarè pro les portes,
él gnü Gejü, é jü amesa ëi ite y ti à dit: Pēsc a os!

Do chēstes parores ti àl mostrè sües mans y so costà.

Dailó se ralegrâ i discepui da odëi le Signur.

Gejü ti à ciamò n iade dit: Pēsc a os!

Sciöche le Pere m' à menè mè, insciö ves mēni iö os.

²²Do ch' al à albü dit chēsc,

ti àl fladè ados y ti à dit:

Recioiede le Spirit Sant!

*Cun flames y cun n dër temporal
descri la letöra da incö l'avënt dl
Spirit Sant. Püch y nia de chësc
n'aldiunse deperpo tl vangele che
ne pê gnanca dër da passené pro
la festa de Pasca de Ma.*

*Al cunta dla pröma incuntada dl
Ressorí cun sü amisc.*

*Y ci fej pa Gejü por impizé i discepui fora dl salf olach' ai s'â saré daite?
Al ti flada ados so fle morjel.*

*Y impó é te chēsta ona morjela de fle dōta la potēnza de Chël Bel Dî.
Sciöche tl scomenciamënt é le creatur che ti flada ite a döt süa vita.
Da canche Idî nes á dé so fle, sunse animá da d'él y i un te nos so Spirit.*

*Gejü nes dá indô so fle danü y nes dá n scomenciamënt nü,
la freschēza de na doman nöia, plēna de forza da crēie y da dé fede inant.*

*Sc' i dun inant so fle morjel, ne saral degun spetacul de vënt, tranis y tonn,
mo por chi che se deura a so fle n scomenciamënt nü te é che é mort y ressorí.*



	SAN MARTIN	LUNGIARÜ	 Intenziun dl Papa por le mëis de jügn: che le comerz de ermes ais na fin. <i>I periun che i governanc di stac toles cun fermëza la dezijiun da proibì le comerz dles ermes che gaujëia tan de vitimes danter la jënt inozënta.</i>  <i>Tl pröm â l'audanza dla pesc imënt da ti audé ala jënt dantadöt na vita contënta. Gejù ti aoda ai discepuì na vita salvada da döt le mal. Chi che vir na vita salvada vir contënc. Gejù ressorí nes pîta súa pesc: Chël che tira ite so fle, sará contënt. Te so fle él le Spirit dla pesc.</i> <i>Signur, vigni festa garatada, che nes implësc de ligrëza, nes lascia ciarcé la contentëza deplëgn y eterna dla „vita en abundanza“ che te nes as impormetü.</i>
04.06.17 PASCA DE MA	9.30 Mëssa solëna 19.00-20.00 Ora d'adoraziun al Spirit Sant	7.55 Adoraziun al Spirit Sant 8.15 Mëssa solëna 15.00 Corona al Spirit Sant tla Capela da Seres	
05.06.17 LÖNESC DE PASCA DE MÁ <i>Bonifaz, Igor, Ferdinand</i>	9.00 Adoraziun al Spirit Sant 9.30 Gran Mëssa families de Giovanni Unterweger + + Hilda y Pepi Mutschlechner por les Animes	7.55 Adoraziun al Spirit Sant 8.15 Gran Mëssa dl ann + Casper Clara, Balzé + Paul y + + da Miscí	
06.06.17 Dedolönesc <i>Norbert, Kevin, Bertrand</i>	19.30 Mëssa + Maria Chizzali por les Animes		
07.06.17 Dedemesaledema <i>Robert, Amadio</i>		7.30 Mëssa + + Germano y Iustina Moling + Pire Tavella	
08.06.17 Jöbia <i>Medard, Helga, Engelbert</i>	7.30 Mëssa a d'intenziun de Sepl Flöss dl ann + Maria Baldissera + + + Serafin, Emma y Clara Frenner Corona por vocaziuns		
09.06.17 Vëndres <i>Efrem, Diomede</i>	18.30 Adoraziun chîta 19.00 Adoraziun deboriada	7.30 Mëssa fam. Giovanni Chiusura + Iaco Mischi, dal fioc Giovanni, Frëina	
10.06.17 Sabeda <i>Heinrich da Balsan, Diana</i>	15.30 Mëssa tla Ciasa de Palsa 18.30 Mëssa prefestia families de Sepl Frenes, Preroman dl ann + Rosalia Chizzali Ploner	20.00 Mëssa prefestia fam. Heinrich Frenademetz de rengraz. fam. Clemente Clara de rengraz. + Veronica Costa	
11.06.17 FESTA DLA SS. TRINITÉ	9.00 Corona 9.30 Gran Mëssa	7.55 Corona 8.15 Gran Mëssa 11.00 Bato de Raffaella Clara 15.00 Corona tla capela da Seres	